




Broj: 01-05-81/18

Datum, 25.06.2018. godine

**OPĆINSKO VIJEĆE
OPĆINA GORNJI VAKUF – USKOPLJE**



Predmet: Izvještaj o radu općinske izborne komisije
Gornji Vakuf – Uskoplje za 2017. godinu.

Poštovani,

Općinska izborna komisija Gornji Vakuf-Uskoplje (u daljem tekstu: OIK) koju čine Osman Sofić, (predsjednik), Emir Sinan, Šeherzada Duhandžić, Branko Matijanić i Marija Kolak (članovi) u navedenom sastavu obavljala je svoje zakonom propisane dužnosti. Četiri člana OIK-a su imenovana 02.07.2015. godine Odlukom Općinskog vijeća Gornji Vakuf-Uskoplje na mandatni period od 7 godina, dok je jedan član OIK-a imenovan 05.07.2012. godine. Komisija je multietničkog sastava i odražava ravnopravnu zastupljenost spolova i ravnopravnu zastupljenost konstitutivnih naroda na području općine Gornji Vakuf-Uskoplje.

U toku 2017. godine OIK je održao više formalnih i neformalnih sastanaka, a na kojima se raspravljalo o poslovima i zadacima iz djelokruga rada komisije. Sve odluke, rješenja i drugi akti su doneseni jednoglasno.

Odredbom člana 2.13. Izbornog zakona BiH propisane su osnovne nadležnosti izbornih komisija osnovnih izbornih jedinica u BiH, kako slijedi:

1. nadgledaju rad općinskih organa u procesu pripreme i provođenja izbora, a naročito proces registracije birača;
2. imenuju i obučavaju članove biračkih odbora;
3. informišu birače o svim informacijama neophodnim za provođenje izbora;
4. odgovorne su za uređenje biračkih mjesta i druge tehničke pripreme za izbore;
5. brinu o prijemu, skladištenju, bezbjednosti i dostavi izbornog materijala (osjetljivog i neosjetljivog) biračkim odborima, kao i preuzimanju istog nakon provedenih izbora;
6. odgovorne su za pravilno brojanje glasačkih listića na biračkim mjestima;
7. objedinjuju preliminarne rezultate izbora sa svih biračkih mjesta u Općini i dostavljaju Centralnoj izbornoj komisiji BiH;
8. akreditiraju posmatrače koji će posmatrati njen rad, rad Centra za registraciju birača i biračkih odbora;
9. rješavaju prigovore koji su u njenoj nadležnosti;
10. Vršer i druge poslove u skladu sa zakonima i podzakonskim aktima;

Ako se imaju u vidu zakonom propisane nadležnosti izbornih komisija osnovnih izbornih jedinica u BiH onda se može uočiti činjenica da su osnovne aktivnosti ovog organa pretežno vezane za izbornu godinu i sam izborni proces, pa tako i Izvještaj o radu OIK-a za 2017. godinu temelji se na činjenici da prethodna godina nije bila redovna izborna godina, ali da su

nesumnjivo odvijale određene zakonom propisane aktivnosti koje su važne za kontinuirani rad OIK-a.

S obzirom na prednje navedeno, prije svega, kao i prethodnih godina, u prvom kvartalu obavljena je analiza izvršenja planiranih zadataka iz Programa rada OIK-a za 2016. godinu na osnovu koje se, kao i ranijih godina, može izvesti jedinstven zaključak, imajući u vidu činjenicu da je 2016. godina bila izborna godina u kojoj su održani Lokalni izbori u BiH, da su svi planirani zadaci iz 2016. godine uspješno provedeni, uz puni angažman kako članova OIK-a, tako i svih drugih relevantnih organa koji su na bilo koji način učestvovali u izbornom procesu. Sve naprijed navedeno je na koncu i rezultiralo činjenicom da od strane Centralne izborne komisije BiH nije bilo nikakvih primjedbi na rad ovog organa, niti sankcioniranja biračkih odbora na području osnovne izborne jedinice 110 A Gornji Vakuf-Uskoplje.

Dalje, odredbama Izbornog zakona BiH, ali i Programom rada OIK-a za 2017. godinu zavisno od finansijskih mogućnosti, predviđena je obuka i dodatno usavršavanje članova OIK-a i svih drugih lica vezanih za nesmetano odvijanje izbornog procesa, kao i unapređenje rada i edukacija djelatnika Centra za birački spisak Općine Gornji Vakuf-Uskoplje.

U posmatranom periodu predsjednik OIK-a je pozvan da uzme učešće u radu i prisustvovao je na sljedećim obukama kako slijedi:

- Konferencija „Lokalni izbori 2016 – naučene lekcije“, organizator Centralna izborna komisija BiH u saradnji sa Udruženjem izbornih zvaničnika u BiH, februar 2017, Sarajevo;
- LEAD obuka: Program obuke i razvoja leaderskih vještina za predsjednike OIK-a u BiH, organizator Centralna izborna komisija BiH, oktobar 2017. godine, Sarajevo.

U mjesecu junu 2017. godine od strane Centralne izborne komisije BiH dostavljeni su određeni akti, kojim se od izbornih komisija osnovnih izbornih jedinica u BiH traži planiranje sredstava za provođenje Općih izbora 2018. godine u BiH, odnosno donošenje finansijskog plana, koji su iste dužne uputiti Općinskom vijeću da se projicirana novčana sredstva obezbijede u o općinskom budžetu za 2018. godinu, tako da je od OIK-a početkom mjeseca augusta po specifikaciji Centralne izborne komisije BiH sačinjen i obrazložen Finansijski plan OIK-a za 2018. godinu, te je isti u prilogu obrazloženog budžetskog zahtjeva i dostavljen nadležnoj službi.

Općinsko vijeće Gornji Vakuf-Uskoplje na svojoj sjednici održanoj 14.12.2017. godine usvojilo je Budžet općine Gornji Vakuf-Uskoplje za 2018. godinu, kojim su za rad OIK-a u 2018. godini planirana novčana sredstva u iznosu od 45.000,00 KM.

Tokom 2017. godine kao i u prethodnom periodu, OIK je održavao kontinuiranu saradnju i postupao po svim nalogima i prijedlozima Centralne izborne komisije BiH, na način i obimu kako je to zahtijevano od strane iste.

Tokom 2017. godine ostvarena je i saradnja sa Općinskim vijećem, Općinskim načelnikom i nadležnim općinskim službama, zatim svim političkim subjektima, medijima, kao i svim drugim subjektima koji imaju doticaja sa radom OIK-a i na bilo koji način vezani su za izborni proces.

Tokom 2017. godine, kao i prethodnih godina, koliko su to tehničke mogućnosti dozvoljavale, ažurirane, vođene i kontrolisane su sve relevantne evidencije iz zakonskog djelokruga rada

osnovnih izbornih jedinica u BiH, s posebnim akcentom na kontrolu i nadgledanje centra za birački spisak, te je vršena kontrola i ažuriranje uspostavljenog računarskog sistema i informatičke opreme.

OIK je u proteklom periodu intenzivno radio na ažuriranju Centralnog biračkog popisa sa ciljem brisanja umrlih osoba sa biračkog popisa. Također je zajedno sa ovlaštenim osobama Centra za birački popis utvrdilo da se na biračkom popisu nalazi 80 umrlih osoba koje su upisane u matične knjige umrlih o čemu smo upoznali CIK BiH i uputili dopise matičnim uredima općina Gornji Vakuf-Uskoplje, Bugojno, Donji Vakuf, Travnik i Vitez na čijim područjima su osobe umrle kako bi matični uredi dostavili izvještaje o smrti za umrle osobe Policijskoj stanici Gornji Vakuf-Uskoplje gdje su imali evidentirano prebivalište i pokretanje procedure brisanja iz evidencije popisa birača. OIK i Centar za birački popis općine Gornji Vakuf-Uskoplje će i dalje raditi na ažuriranju evidencije Centralnog biračkog popisa.

U cilju transparentnosti trošenja novčanih sredstava, OIK je kao i svih prethodnih, tokom i ove izvještajne godine, Općinskom načelniku i nadležnoj općinskoj službi, sukcesivno podnosio obrazloženje pismene zahtjeve za prethodno odobrenje za svaki pojedinačni transfer novčanih sredstava, sa svom potrebnom dokumentacijom koja potkrepljuje namjenu trošenja istih, tako da su se sve novčane transakcije tokom čitave izvještajne godine obavljale, uz suglasnost Općinskog načelnika i nadležne općinske službe.

Kao i u prošlogodišnjem izvještaju o radu OIK-a, ističemo da je odredbom člana 2.9. Izbornog zakona BiH propisana isključiva nadležnost Centralne izborne komisije BiH da koordinira, nadgleda i reguliše zakonitost rada svih izbornih komisija osnovnih izbornih jedinica u BiH, te je odredbom člana 5. Uputstva o načinu rada i izvještavanju izborne komisije osnovne izborne jedinice u BiH propisano da je izborna komisija do 31.01. tekuće godine obavezna Centralnoj izbornoj komisiji BiH dostaviti svoj izvještaj o radu za prethodnu godinu, tako da su u mjesecu decembru 2017. godine provedene aktivnosti na pripremi i sačinjavanju predmetnog izvještaja.

Iako obaveza dostave Izvještaja o radu OIK-a nije eksplicitno propisana odredbama Izbornog zakona BiH, podzakonskih akata, zatim Statuta Općine Gornji Vakuf-Uskoplje, niti odredbama Poslovnika o radu Općinskog vijeća Gornji Vakuf-Uskoplje, kao ni bilo kojim drugim propisom na bilo kojem nivou, uz uvažavanje činjenice da se sredstva za vršenje zakonskih ovlaštenja i sredstva za naknade za rad OIK-a ipak obezbjeđuju iz općinskog budžeta.

Na kraju ovog Izvještaja OIK ističe, da su, generalno posmatrajući, većina poslova i aktivnosti tokom 2017. godine koja nije izborna, vođeni u cilju završavanja i sumiranja poslova iz izborne 2016. godine, ali i što bolje pripreme za održavanje Općih izbora 2018. godine.

S poštovanjem!

Dostaviti:

- naslovu
- a/a



OPĆINSKA IZBORNA KOMISIJA
Osman Sofić, dipl. pravnik